




# Jèkabaara

NIMORO 35/36 - SAN 1988 NOWANBURUKALO - DESANBURUKALO  
A SONGO : DOROME 20



"ni jekafò ye daamu ye,  
jekabaara nyogon daamu te."

## 1988 SAN FARIKOLO NYENAJE GINTANBAW



### MIN BE NIMORO IN KONO

### KOORI SENE BAARADA

• NYE 2 jigiseben

• NYE 3 NI 4 NI 5 warijiginew kibaruya

• NYE 6 NI 7 kene seneta

### TIGA SENE BAARADA

• NYE 8 P.D.S. kène ya yiriwali Baarada

### FARIKOLO NYENAJE

• NYE 9 Bon Walanw ye yan ke

• NYE 10 NI 11 Sewuli farikolo nyenajé

### TULO TE SEBE SA

• NYE 12 Hasidimasa

## kòori sènè baarada kunnafoni

# Jigisèbèn

Mali worodugu mara la, dugu danmadow bë yen minnu bë koori sènè a bë nyini ka san bi-naani bo. O sènè sorow kéra sababu ye ka yéléma don cikédañ ka baara cogo la, ni misidabalabaara ye, ka dɔ fara sorow kan ni nɔgdon ni koori furaké ye. A kéra sababu ye ka yéléma don sow jocogo la, nka sorò ninnu fanba kéra ka misifogo sigi ; fɔlo-fɔlo cikéla ka nañolo lamarata tun ye bagan ye. Bi dugu dɔw baganw cayalen bë dugukolo ma. Utémensira bë dugukolo non. N'u kafora u bë bin ban, a bë kë sababu ye foroman yanw te lafinyeyoro sorò.

Walasa ka yiriwa, ka sogo numan ni nono nyuman sorò sahili jamana misiw la, san kelen kono f'i ka taari 5 labila misi kelen ye a ka dumuni kanma. Koori bë sènè an ka dugu minnu kono, taari kelen dɔrɔn de bilalen bë bagan kelen ye, barisa baganw ka ca. O de koson bangaw te nafa sorò, nañolo min don; a da bë ka bin, wa a bë ka cikéyoro tinye.

Mali fan bëe, an kumakan ye ko bin ni jiriw banna, dugukolo barika banna, ani dugukoloton barika bonyana ; baganw cayali kéra geléyaba ye, wa a ka jugu dugukolo ma.

Jiginew y'a jira wari min bë cikéla bolo n'a bolo te s'a ma, k'o yéléma ka kë jigisèbèn ye n'a bë san 3 ke.

Jigisèbèn kelen-kelen bë ben misi kelen songo ma, dorome 10.000. Cikéla bët, hali minnu sigilen te Zayeri maraw kono, jiginew sigilen bë yoro minnu na, olu bë se ka jigisèbèn san. Cikéla wali baganmarala kelen bë se la jigisèbèn caman san. Jigisèbèn bë tɔno lase a tabaga ciké-

law ma, min ka ca ni karine ta ye. Nka fo jigisèbèn ka san sorò mara la i n'a fo bagan kelen.

Nka ni jigisèbèn maralen ma tèmèn san kelen wali san fila kan, a tɔno bë dɔgoya, n'i y'a ni warimara karine ta sanga, o min tonow bë jatemine kalo saba o kalo saba.

Jigisèbèn ye warimara ye n'a bë bugun san 3 kono... i n'a fo misi ntura kelen labalolen n'a bë se ka feere.

Jigisèbèn bë dilan "kafojigine" (warijigine) fè, wa k'a sàrali garanti. O n'a taa o taa, dugu jigisèbèn talenw n'a wariw bë fara Warijigine ka wari marataw kan walasa ka juru haké jatemine min bëna don warijigine tondénw na.

Jigisèbèn ye feere jeyalen ye k'i ka wari labugun. "Misi bë se ka yéléma ka kë jiri ye hakilima fè".

O bë kë sababu ye ka baganw ka tinyeni dɔgoya an ka duguw dugukolo kan, ani ka dàmen don dugukolow lakanani n'a ladoncogo nyumam na.



## Siginiden kuraw


e = è.....sebe, seben

o = ò.....sogo, sogos

n = ny -----ne, no.

s = sh ----- se, so.

Pour un homme sage le bœuf peut devenir un arbre  
Misi bë se ka yéléma ka kë jiri ye hakilima fè



Bon d'épargne / Jiigi sèbèn +++

N° 003208



le papier que vous voyez fructifie votre argent en 3 ans  
Sèbèn fura min filè, a bë wari jiidi san saba kònò

Versement/marata 50 000

remboursement/sarata 59 000

Nom jamu	Prénom tògò	kònte nimòrò
-------------	----------------	--------------

date de naissance/ Wolodon	Centre/mara:
carte d'identité/karidante nimòrò:	Caisse de/kesu
profession/baara:	

Souscrit le, Tadon	remboursé le, Saradon
talen	saralen

caisse locale/késutigi bolonò	signature/bolonò
-------------------------------	------------------

remboursé le, Saradon	caisse locale/késutigi bolonò
saralen	signature/bolonò

caisse locale/késutigi bolonò	signature/bolonò
-------------------------------	------------------

## Warijigine w kibaruya

Jekabaara nimoro 29nan kono kalo duurunan na, an tun kumana baara kura kan min nyε sinen be duguyiriwaton ka jekabaara kesuw ma, warijigine n'an k'a ma : "Kafo ji ginew".

San folo temenon ko an be se k'o kunnafoni di.

Kabini 1987 san kalo 9n, warijigine 5 dayelenna ni je kerennennye Kucala mara CMDT nyemogow n'a lakolidenw be fe : Kaniko - Nanposela - Karangaso - Karangana - ani Ntosonin.

Tarabu min tugulen be seben na, o be jiginew ka kewalew jira fo ka se 1988 san kalo 10n laban ma.. A be lajelen jaabiw ka fusa doonin. U ka kan ka barikaya san kura nata in kono, 1988/89 san. Jigine ton nyemogow ka kan k'u se danmajira ke walasa cikela be se ka konte dayelen ka wari mara.

Karanganaka kembe la, 9 danma de ye konte dayelen ciklaw la, Ntosonin mogo 49, o ye jaabi nyenema ye jigine 5 la. Nka Kaniko duguyiriwaton bu be kan, barisa u ka cikela be ye konte dayelen. Ton donwari saralen na ka konte dayelen, o berkenye be ben sefa wari 1000 ma.

Cikela minnu ye konte dayelen, olu la minnu ye wari mara o hake file kembe na : Karangana ni Karangaso 5% - Nanposela 19% - Kaniko duguyiriwaton kelen ta kera 59%

Wari maralen mume benna dōrome 2.580.000 ma ; o la min marala ka waati ke o kera dōrome 1.960.000 ye, barisa dōrome 620.000 tara tondenw fe saminye kono. O b'a jira ko ciklaw be se k'u ka wari maralen ta sanga ni waati be, n'u mago b'a la.

### Baarada ka juru folo donnennw

Juru donnew be tali ke wari ka sabi maralen na jigine la. O kemena cikela minnu ye juru soro : Karangana 4%, Ntosonin 39%, Kaniko duguyiriwaton 62%.

Juru donne mume jatemine : 91% kera juruw ye minnu be soro yiriwa : cikeminew dilanni, sumansiw, baaradensara, ani balosan, 9% kera juruw ye minnu be Hadamadenya sabati : jagominew, furu ni sayaw, ani sodilan.

Juru donne berekenye kera dōrome 6.000 ye, nka a kera juru misenw ye, dōrome 1000 ni 2000, banki tow si te son o juru misen minnu nyogon donni ma, ka kenyen ciklaw mago nyeni ye. Juru-

don waati la sariyaw ma labato ; a kera nogoya ni nyenawolomani ye cikela dow ni nyogon ce.

Fura ka kan ka nyini o kewalew la san were. Nka sisani tonnyemogow ka kan k'a ke cogo be la walasa ka juru donne lagon.

### San kura nata, 1988/89, hakili jagabo ni do farali jiginew kan.

Walasa jigine kelen-kelen k'u

### Warijigine duuru ka san kelen kunnafoni fo ka se 1988 kalo 9n til 30 ma.

Jiginew kunnafoni 09/30/1988	Kaniko	Nanposela	Karangaso	Karangana	Ntosonin	Kafo jiginew	Mume
Duguyiriwaton hake	7	4	6	6	3	-	26
Dugu mogo mume	4 448	2 957	4 142	6 200	3 039	-	20 786
Cikeda hake	357	212	306	421	301	-	1 597
Jigine dayelen don	88/04/01	88/02/01	88/03/23	88/02/03	88/02/22	-	-
Tonden hake	102	76	48	38	149	7	413/420
Tonden donwari saralen (dōrome)	114 000	76 000	46 600	40 000	145 200	7 000	428 800
Tonden hake min ye wari mara	51	40	16	21	26	3	154/157
Wari maralen mume (dōrome)	1 011 600	583 200	220 000	187 000	574 400	76 200	2 652 400
Jigine konowari mume (dōrome)	1 125 600	659 200	266 600	227 000	719 600	83 200	3 081 200
Tonden hake min ye juruta	54	47	25	17	119	-	262
Juru donne mume (dōrome)	633 000	138 000	138 000	88 000	598 000		1 590 000
Jigisaben hake talen	-	-	-	-	-	10	10
Jigisaben talen wari n'a tono ye 18% ye san 3 temennen ko	-	-	-	-	-	100 000	100 000

seko jira f'a ka dən k'u bə se se k'u ka musaka ketaw, n'u ka kesutigi nisondiyalan soro, fo jigine kelen-kelen ka wari maralen ka waati ke ka se sefa wari miliyon 15 ma, n'o bə bən dərōme 3.000.000 ma. Cikəda 300 ni 400 minnu bə Zayeri kono ka kan ka da u ka jigine la ni sannifere kera k'u ka dərōme 6000 wali 8000 lakana jigine kono. A ka kan duguyiriwatən ka kəsu kono wari ka bila jigine la a danma konte la, ani jigine tən nyemogow ka wari caman mara u ka konte kono ; olu de ka kan ka ke misali dibaga fələ ve.

Jigine duuru fələw, ka kan ka do fara u ka wari maralen kan san kura nata 1988/1989 : Kaniko min ye dərōme 1.000.000 kafo 1987/88 san na, u ka kan k'a ganiya ka se ka dərōme 3.000.000 kafo. Nanposela sera ka dərōme 580.000 kafo, olu ka kan ka dərōme 1.800.000 nyini san kura nata. Karangana ye dərōme 220.000 mara, olu ka kan k'u jija kosəbe ka dərōme 2.400.000 kafo olu ni Karangaso ka kan, o min ta ye dərōme 200.000 ye, u ka kan ka dərōme 300.000 kafo. Min ye Ntosonin ta ye ka da o cikelaw caya kan olu bə se ka dərōme 2.400.000 kafo ka fara u ka 580.000 maralen kan.

Nin ganiyalenw bə se se ka soro, nka fo ni jigisəben tali yiriwara. Jigine kelen-kelen bə se k'a ganiya jigisəben 100 ka ta, a kelen ye dərōme 10.000 ye.

Ni jigin kera nin jaabiw jukəro jigine tə ke nafama ye ; a ka kan ka datugu.

An miiri la caman bə se, ka ke ka temen 1987/88 san ka, barisa san folo la, jiginew ma dayəlen jonna, o y'a soro sannifeere kun folo temenna, wari marataw tun donna da werew fe, walima k'u dun ka ban.

Saminye temennen 1987/88 ma nye, o fəne ye wari caman soro-baliya kun do ye. Nyinan senefenw ka fusa, a ka kan ka soro nafama lase u ma.

### Warijigine kura 14 minnu bəna dayəlen

Mara	Jigine sigiyoro	Jigine mara duguyiriwatən	ikəda hake	Dugu mogo hake
Kucala Npəsoba	Karagwana	Karagwana Kola Yuguraso Warinyamana	176 80 31 39	2 089 1 163 322 322
Kucala Npəsoba	Pegena	Pegena Bənbugu Yafola Gwele Ntola Dəngəna Zantierila	72 19 73 48 19 52 21	1 184 304 841 600 236 525 225
Kucala Npəsoba	Dəncola	Dəncola Bana Mamarila	115 102 30	1 347 1 175 313
Kucala Kucala	Finzankoro	Finzankoro Ntobugoro Sigeso Nyanabugu Nyemina Tomina	80 36 28 34 39 38	1 183 296 245 282 510 553
Kucala Molobala	Sugunba	Sugunba Ngegeso Dugan	400	600
Kucala Yoroso	Wirikila	Wirikila Baneso Farakoro Jonina Uwo	282 154 48 140 63	3 731 2 801 401 1 989 380
Kucala Yoroso	Tanjo	Tanjo Funa Pikoro Sakoni	210 95 85 49	4 783 1 172 761 353
Kucala Yoroso	Simona	Simona Karagurula Jarakungo Toroso Nanperu Womaso	96 77 88 126 93 20	1 096 1 067 919 1 387 1 327 190
Kucala Zebala	Garaso	Garaso Pakaso Muraso Dipyān Zanziyola	182 119 87 24 22	2 362 1 015 1 315 343 293
Mume	9	43	3 667	47 856

Jigine 5 fölöw ka kunnafoni tun ka kan k'a to baarada nyemogow k'u sinsin ka dansigi ke 1988/89 san waleyaw kan, ka sariyaw sin-sin, k'a nyini ka jigine kelen-kelen ka nafolo nyininta sangan ni jaabi sorolen ye, k'a jatemine ni ganiyalen ye.

O n'a taa o taa ciklaw ye nisondiya soro ka da waleya dambaw kan, kunnafoni soro cogo :

- \* jekabaara nimoro 29nan
- \* kunnafoni di nyögonyew
- \* kunnafoni ka bō CMDT ka iakolidenw yoro.
- \* ka ciklaw ta ka bō nyögöna jigine la.
- \* duguyiriwaton dōw ka nyinini ka jigine soro i n'a fo Nyena ni Jebe.

Ka da geleyaw ka baarada y'a ganiya ka do fara u ka baara ke taw kan, k'a jensén mara tow la, jigine kura 14 bëna dayelén :

#### 9 Kucala mara :

- \* Karagwana : duguyiriwaton 4
- \* Pegena : duguyiriwaton 7
- \* Dencola : duguyiriwaton 3
- \* Finzankoro : duguyiriwaton 6
- \* Sugunba : duguyiriwaton 3
- \* Wirikila : duguyiriwaton 5
- \* Tanjo : duguyiriwaton 4
- \* Garaso : duguyiriwaton 5
- \* Simona : duguyiriwaton 6

#### 4 bë dayelén Sikaso marala :

- \* Sanzana : duguyiriwaton 7
- \* Dumanaba : duguyiriwaton 8
- \* Dumananin : duguyiriwaton 4
- \* Nyena : 13

#### 1 bë dayelén Fana mara la :

- \* Jele : duguyiriwaton 8

Ni jigine 19 ninnu ye baara daminé baarada bëna ke dugumogó 107.000 ye ani cikeda 7.300 ye.

Hajuw ye ka wari minnu lakana san nata kono olu ye :

- Ciklaw ka wari marata, o ka se dōrōme 34.000.000 ma sëfa wari miliyon 170.
- Duguyiriwatonw ka kësu kono wariw, o ka se dōrōme 10.000.000 sëfa miliyon 50.

- Jigisëben min bë ta ka san 3 ke n'o bë se ka bila misiw no la, o ka se dōrōme 25.000.000 ma sëfa wari miliyon 125. A mumë bë bën dōrōme 64.000.000 ma sëfa wari miliyon 320.

juru tata bë se dōrōme 60.000 ma. O b'a jira ko wari caman marali jigine kono nafa ka bón.

Wari maralen ka waati ke cikela fe, o bë ke sababu ye sariya min bë boli mogó kelen kan, ka se k'a ka juru tata hake dòn. O hake te se ka temen a ka wari maralen tilannen 100 ye, o sara 40 wali 50 kan.

**misali :** Cikela min ye dōrōme 10.000 mara ka waati ke, a bë se ka dōrōme 4000 wali 5000 soro juru ye san kalo 6n na, a b'a sara san kura kalo föla, ka 7 da mugan o mugan o mugan kan töno ye. A bë ke sababu ye a ka se ka dōrōme 15.000 sanni ke, ka dōrōme 350 sara töno ye.

Jurudon waati mana se jurudonton ka kan ka juru donta hake fo a n'a bë tilan ni sariya minnu ye, walasa ka jigine kist bin ma ; barisa i te se ka fén bō jigine kono ka temen i ye hake min bila a kono kan.

#### K'i jigi da i yere fanga kan

Mali ka soro nafaman ye koori ye. San o san CMDT ka maraw kono sëfa wari miliyari 20 bë tilan, o la miliyari 11 bë to ciklaw bolo.

Biyebulu minnu bë mara sow kono, a te fosi fara a yere kan, w'a bë dō bō a nafa la. O cogo la baganw sanni o bëna ni bagan gentaw cayali de ye ani an ka kungow n'an ka dugukolow barika banni de ye, a bë ke sababu ye ka nafa camantinyeli lase an ma.

Wari maralen jigine fe, o bë tönow lase an ma, an ka juru soro, ka ciklaw yiriwa ani duguw. Jigine bë ke sababu ye dugu ka se k'a yere ka se dan dòn, ka ke sababu ye a kana a jigi da kókan demen kan ; o bë döguya la, a sarali ka gelén. Ni minnu garijigera ka jigine soro u ka dgu kere fe, u k'u jija ka nafa caman soro a la.

#### Jigine labato sariyaw ani jigine bë se ka nafa minnu lase aw ma.

Jigine ka yiriwali dulonnen bë a sera ka wari caman minnu kafo Zayeri kono dugumogó, duguyiriwatonw, bololabaaraklaw, ani kerefeduguw fe.

Jigine bë ke sababu ye ka wari lamara, k'a lakana, min sorola kalo laban ni san kura kalo föla. Wari maralen bë töno soro a bë do fara a yere kan n'a tora mara la ka kalo 3 ke maga ma k'ala ; nka a ka nogon ka se k'a wari ta dōonin-dōonin n'i mago b'a la, barisa dögökun o dögökun kesutioi bë jigine dayelén.

Wari maralen ka waati ke, kalo 3 wali 6 temen (dōrōme 6.000 wali 10.000 a bë se ka temen o kan) cikela bë se ka juru soro.

Jurudon bë ke ka da sariyaw kan minnu bë boli jama ni mogó kelen-kelen kan, n'u sigira jigine tönnymogó n'a töndenw fe.

Töndenw donwari kafolen, ka da wari maralen ka waati ke kan, sinsin bë k'o de kan ka se ka mogó kelen ka juru tata hake dòn. O

nake man kan ka temen tönden donwari kafolen tilan yoro 5 kan.

O la ni dugu min ka tönden donwari kera dōrōme 60.000 ye, mogó kelen ka juru tata te se ka temen dōrōme 12.000 kan ; ka soro ni tönden donwari sera dōrōme 300.000 ma mogó kelen ka

## 1988-89 san in na , kene seneta danmatemenna.

*Cikə bolodara cogo min,  
bo make o sira fe.*

**Saminye seginnen a cogo kɔrɔla, Mali worodugu yanfan seneke law nyinena koɔri kunkako geleya kɔ. O la segin ka kan ka ke kɔ, walasa ka belebele bo an ka jamana geleya la. Kalo 9n tile 26, tonsigiba do kera Segu koɔrisene baarada nyemogow fe ka nyesin senefenw sannifeere konyew ma 1988-89 san kono.**

Cikemara kuntigiw ka seben jiralen kera jorɔnankɔ ye, ka nyesin kene senetaw cayali kɔjugu ma Mali woroduguyanfan seneke law fe. O waati kelen dun kɔnɔ, feerew bɛs tige rati ka nyesin seneke law ma, sene ni soro yiriwali siraw kan taari kelen na, walasa ka seneke law ka soro yiriwa, ani ka kungo tige nogoya. An ka dugu caman na, foromanyan bilajaw tununa. Dugukolo bɛs seneli ni baganw cayali kungo ma, o nana ni dugukolo nogodon kuntaala surunyali ye.

Kene seneta cayali sera senefen bɛs ma, sanko koɔri, k'ɔ sababu ke nafo lo nyinin ye. Nyow ta kɔni ye hakili latige sira ye ka sin dunda-fa ma. O la dugu caman nyemogow ni soro yiriwajekulu min sigilen be duguw la, olu ma u ka baara ke : i n'a fo kene senelen jatemini eli. Seneke la dow fana m'u ka kene senelenw bɛs fo cikəbolofara nyemogow ye.

1988-89 cikesan kene seneta tun ye cikeda 83.295 ye koɔri la ; taari 147.010 tun ye danta ye ; taari 141.296 tun ka kan ka koɔri nogofin soro, o be ben taari 96 keme o keme la (96%) ; taaari 134.244 tun ka kan ka nogojie soro, 91 keme o keme (91%). Baara kelen ye min jira, o ye cikeda 87.932 ye ; o la seneke la 4.637 farala da folen kan. Koɔri

kene danta kera taari 180.136 ye ; temen kera bolodalen kan ni taari 33.126 ye ; o be ben taari 22,5 ma keme o keme (22,5%). Koɔri kene min ka kan ka nogofin soro o mumɛ ye taari 158.112, 88% min ka kan ka nogojie soro o mumɛ ye taari 150.300 ye 83%. Nin b'a jira ko taari hakɛ min senena o bɛs te nogo soro a hakɛ la, w'a soro fana te bonya.

Nyow la kene seneta tun ye taari 213.425 ye cikeda 88.601 kono. Baara kelen ye min jira, o ye taari 261.696 ye, cikeda 89.615 kono. O la temen kera ni taari 48.271 ye. N'an ye san fila temen baaraw taabolo laje,

nyinan kene senetaw be ke dante-men ye.

Min farala kene kan o kera taari 127.661 ye.

Sanji na ko nyuman ye dusu don seneke law la. N'an ye san fila temen koɔri kene sanga, cikeda makenyen kene tun ye taari 1,70 ye 1987-88 san na, a kera taari 2,04 ye 1988-89 sa na; taari 14 farala keme o keme kan (14% farala kene kan).

Nyo kene makenyen tun ye taari 2,54 cikeda la, o kera taari 2,92 ; 15% farala kene kan. O do-fara-kene-kan nana ni geleya ye min ye koro shyenni ye ; sumaya fana ye bin juguw bugum, ka danni



**KENE SENENEN 1987-88 ani 1988-89 CIKESAN NAN  
Mali woreduguyanfan fe**

Senefenw 1987-88 san		1988-89 san
	kene (taari)	kene (taari)
Koori	142 222	180 136
Nyo	196 747	264 791
Kaba	48 443	63 750
Tiga	24 532	32 151
Dafu	1 138	1 156
Bene	4 259	4 320
Sho	35 182	30 991
Malo	11 811	14 457
bagan balo	12 099	12 342
<b>Mume</b>	<b>476 433</b>	<b>604 094</b>

kosaw sumaya i n'a fo dafu na nyogonnaw, min be dan fo kalo 7n laban na, o dun be na ni dakala n'a fu surunyani ye.

San kene hake jate minennen, taari 30% yelenna hake bolodalen kan, cikeda kenyeka bolo kan, ja be yoro minnu kan a be san 15 bo bi: o ye Konobugu, Marakakungo, Bla, Npesoba, Yangaso ani Kinparana. Saminye n'a fusaya be, soro ma yiriwa kosebe. Min ye koori ye, sigi kelen be ni kilo 1.307 de ye nyinan taari la, kasoro salon ta tun ye kilo 1.333 ye. Nka nyo be fusaya ni salon ye doonin: taari i soro be bo kilo 921 na ka ke 993 ye. O soro dogoyali soro ji caya kojugu fe foro dow la, o kera sababu ye ka suman sun dow nagasi; soro sabatili walew be ma tiime i n'a fo dugukolo laben, nogow donnini fura kelia hake la k'a dafa.

Mali ka nyinan koori sorota ye: toni 235.507 (kooricike baarada la) ani toni 14.000 (Siracike baarada la). O be ben toni 249.509 ma. Nin koori sorolen ka ca an ka koorikolobomansi sigilenw ma Mali kono. Olu fanga ye toni 210.000 ye. Kura nyesigili min kelen be Kumantu, Bugunin mara la, o fanga be ben toni 30.000 ma, wa o ka baara damine ye fo

1990 san kalo folo ye.

Walasa ka nye soro nin soroba in na fo tile 170 ka fara masinw ka

baara kan; hali o la, siga be baara banni na ka ben sanji follow ma kalo 5n. Geleya fana be se ka ke mobiliw bilali la ka taa koori ta, k'a da siraw cogoya kan. Walasa ka koori be kolo bo, fomansitigiw ka mansiw teliya fana, o dun be na ni koori fu dogoyali ye, k'a daraja dogoya feere yoro la. An kana nyinan k'a fo koori in be feere dunuya be je sugu de la. Fadenyaba de dun be koori jamanaw ni nyogon ce; o la fo i ka feerefan ka nye walasa i ka sannikelaw ka to i bolo. Koorko geleya be senna hali bi; koori bota ka ca dinye na bi ni mogow mago be min na ye. Kalo 10n damine na, Mali ka koori dow feerela d.70, d.80 a mugu kilo 1. Koori koloma kilo 2 ni garamu 7 san songo ye d.45 ani tama 4. O de be ben koori mugu kilo 1 ma; furancenin min be u ni nyogon ce, o ye koori sannifeere sara, a donni sara mobiliw la ani a kolo-boli sara ye.

Mali jamana y'a fanga digi kosebe san saba temenen in kono a ka koori sankorotali baaraw la, walasa ka do bo bone la, nka jamana fana dan ye a se ye de. Ni a kera i n'a fo dofarankan kera san were ka temen soro yiriwada hakililaw kan koori be tene se ka san senekelaw bolo.

Nin waleya gelenw ka kan k'a to yelema ka don koorisene law ka koori sena, u ka tahidu dilen tiime san nata baaraw la, minnu jatemine be ke kalo 9n na.

Ni ye an ka koori sorota sigi keme-keme, 80 be bo an ka duguyiriwaten na. O ton nyemogow ka kan ka ke kolosili kbagaw ye minenw tilan tuma ani kene hake sebennennw labatoli la.

San nata baara ketaw hake jirala Segu, a yera k'a fo do fara la koorisene law kan, ka bo mogow

87.932 la ka taa 94.785 la nyinan. O la hake min farala u kan o be ben mogow 8% ma. A fo fara ka kooriforo ni koori sorota dan hake la; san nata kene seneta nye-sigilen ye taari 176.050 ye; o la, do ka kan ka bo nyinan kene senetanen na, o binta ye taari 2 keme o keme; cikeda kelen ka kene seneta be ke taari 2,85 ye, o fana binta ye taari 10 keme 0 keme la.

A be wajibiya an ka san nata baaraw ke nin miiriya ninnu kono, o la geleya finye min wulilen don koori kun kan o be temen an kunna.

Farankanni min kera nyina no ye tari 22 keme 0 keme ye, no nyogon kera san were o be kene seneta ke taari 214.781 ye, o soro be ke toni 280.000 ye; o la koori be caya an ka koori wuluismansiw ma ni toni 30.000 ye; o dun ye kojuguba ye jamana ma.

Nyinan sannifeere la, an be jigen baaraw bugun walasa ka don da la min be ke sababu ye cikselaw ka nafa soro o baara la, ani fana ka doonin yoba ka bo koori jonya jurula.

An be san 25 bo bi koori baara la, an tun y'a kolesi, ni do farala kene seneta wali taari 1 soro kan, do be fara cikela ka wari sorota kan, do tun be fara jamana ka nafolo kan. Nka kabini 1985 san na, kow yelemana, koori t'o si nafaba soro ten bilen. O labennw de ka kan ka ke yaasa ka waati gelen in latmen; o labenni dun be jyoro b'a la, o te taa nyin nyimin ko. Mali kooricike yiriwada (Makoci) ni cikselaw be naniye ye kelen ye, n'an ye an bolo di nyogon ma, an n'a barika soro ka geleya folen in nyoin ka bo an kunna. Feere min b'o sabati o ye ka kene seneta berekenye ani ka taari 1 soro yiriwa □

## tiga sènè baarada kunnafoni

# P.D.S Kènèya Yiriwali Baarada

"P.D.S." ye baarada in nansara tøgø de ye. Bamanakan na, an bë se ka wele ko kènèya yiriwali baarada hali n'o t'a ka baara këtaw bëë jira.

"P.D.S." in dayelëla 1984 san kalo 5n na. O ni sisani cë bë san naani bë. Baarada in dayelëla san duuru baara de kanma. An hakili la o waati b'a fë ka dafa. O de këson an y'a kanu ka kunnafoni damadçow d'aw ma "P.D.S" in ka baaraw kan.

### **An k'a dòn ko :**

- P.D.S. in ka baaraw nyèsinnen don kerekérrennenya la Mali kafo saba de ma Kayi mara la. Olu ye Kita, Bafulaben ani Kènèya. O de këson dow fana bë baarada in wele san ko "K.B.K" n'c fana ye nansarakan ye.

- P.D.S. ye baaraboloba fila ye minnu bë nyogon sinsi.

Baarabolo fôlo ye kènèya ni saniya matarafali sinsini ye kafo saba in kono.

Baarabolo filanan ye ji saniman laseli ye kafo saba in kono dugu caman na. O bolo filanan in de tøgø ko "K.B.K."

### **Baara kuntlennaw**

#### **Jamana kunda :**

- Kènèya Yiriwali Baarada in b'a nyini:

- ka kènèya baarakëlaw lacayaani k'u kalan konyuman u ka baara la,

- ka furaw san ani k'u lase jamana fan bëë la,

- ka kènèya baara këtaw boloda konyuman ani ka jamana kono mogow lafaamuya kènèya lakanani na ani saniya matarafali la.

#### **Kafo kunda :**

Kènèya Yiriwali Baarada in banyini ka kènèya baara kerekérrennen dow de sinsi Kita, ni Bafulaben ni Kènèya kafo kono. O baara kerekérrennenw ye suguyaba fila fana ye.

Fôlo ye kènèya yere sinsini ye i n'a fo :

- banaw këlëli ga kono,

- furakëli nyuman sabatili jama kunda,

- ani dugumogow lafaamuyali kènèya ni saniya sinsini na.

Filanen ye kènèya sinsini demenni walew ye i n'a fo :

- furakëlisow joli,
- furaw sɔrɔli n'u laseli,
- ani kènèya baarakëlaw kallanni.

### **Baara kelenw :**

San naani temennen in kono kènèya yiriwali baarada in y'a seko bëë ke ka nin baara bolo-dalén ninnu caman ke jamana kunda ani kafo kunda.

Baara minnu kera kafo ninnu kono an ka kunnafoniw bë boli olu de kan.

#### O la an k'a dòn ko :

- Kafo kunda, kènèya yere sinsini walew ni ji saniman laseli de bë taa nyogon fë. O siratige la, k'a ta 1984 san na ka se 1988 san ma, ji saniman laseli baarabolo ye ponpe këlon 676 sen kafo saba in kono, walasa ka mago 170.000 ka jiko mago nye.



- Walasa ponpe sigilen ninnu bë se ka ladon ka nye Kita kafo dugu la, ji saniman laseli baarada mogow ni dugu nye mogow jëra ka ponpe ninnu don ton na. U ye jekulu dë sigi dugu o dugu min ka baara nyèsinnen don jiko nyenaboli ma.

- Ponpe ninnu ma sigi fu la. Dugu kelen-kelen bëë y'a joyoro jira ponpe songon ko la, ponpe c'ponpe dorome 27.000.

- Ponpe ninnu dilanni sira kan, ji saniman laseli baarabolo ye numu 31 kalan ponpe dilan na, ka baarakeminen d'u ma ani ka ponpe minen misenninw bila u ka bolo kan, u yere ka magasan jolenw na, walima ODIPAC magasanw na.

- Kènèya yiriwali baarabolo mogow fana y'u cesiri ka dugumogow lakalan ji saniman ladonni konyuman na, ani kènèya ni saniya matarafali la dugu kono.

- Bi, Kita kafo dugu kono, kènèya, ni saniya ani ji nyuman koni sabatilen don fan bëë.

### **Yaya Jara**



**farikolo nyénajè**

# Bon walaw ye gan ke

**Mali denmisenniw ka ntolatanjekulu mogow si te temen san 18 kan. A donna Afriki jamanaw ka denmisennitolatan nyogondan na. Kunkorota wale minnu kera damine na, o b'a jira ko a taa cogo ka nyin.**

Ntolatan folo kera Wagadugu kalo 3n na, an sera Burkina Faso ntolatanjekulu la 1-0. Maliki Tanjigora de ye o kuru kelen don. O ko fe an ka bon walaw sera Senegali la, ka se Maroku la, ka soro ka se Ezipti la.

Ntolatan ko 7 de kera, se kera 5 ye, sebaliya kera 2 ye. An ka denmisenniw ye kuru 14 don, nka 7 donna u la. Ntolatannaw tun ye mogo 26 ye minnu ye nyogon falen-falen kene kan. O b'a jira k'u bëe' ye ntolatan ke, ko juguman t'u la fana. Kuru donnaw la, Basi nyogon ma ke, bawo a ye ntolatan 7 bëe matarafa, ka kuru 9 don ; Maliki ye kuru 2 don, Abdulayi Tarawele ye kuru 2 don, Sidiqi ye kuru 1 don.

Ntolatancogo nyuman kera sababu ye ka bon walaw lase fo nyogondan laban makono na. O taa-ka-segin ntolatan folo kera kalo 10n tile 9 Alizeri jamana na, Carek ntolatankene kan. An ka kalanden minnu be Alizeri jamana kan, o caman taara u no fe yen. Ntolatan daminenen, miniti 15 folo kono Alizerikaw ye an ka denmisenniw ferun kosebe, nka o ma fosi tinye. Bon walaw sera ka ntola mara o waati kono bawo u ye

kuru je ko naani k'a sabu ke girin-girin ni hakilisigibaliya ye.


Lafinyebô kera fu ani fu kan.

Wuliko filanan kelen Alizerikaw juguyara. U ka ntolatanna do nana bin jo da la nk'a ma jogin kojugu, o kera penaltı ye u bolo. Buwali y'a ci ka kuru don - Alizeri 1, Mali 0. -

Miniti 55nan na an ka denmisenniw ye nyekun ta. Jaje ye kuru kelen don ni ntolatancogo nyuman do ye, a te faamu. An ni Alizerikaw danmakenyena. Bon walaw pancogo yelemana. Kuru filanan donna Disa fe miniti 88nan : Abdulayi Tarawele tun ye u ka mogo 3 bëe nyeko, nka ntola sariyatigi ma son kuru filanan in ma, ka da a ka sariya jugu tige kan. O tolatan banna kelen ni kelen kan, si ma se si la.

Nka o te i n'a fo 0-0, bawo shinye filanan fana na ni si ma se si la, kuru minnu donna wali jamana kan, olu be sigiyorema fila, yalasa ka kulu bo nyogon na.

Segin tun ka kan ka ke ntolatan in kan don min Bamako, o bora a ma, k'a d'a kan jahadi tun wulila Alizeri, mogo caman nin tora min na.



Ntola in tanko filanan nana ke Bamako kalo 11n tile 13. A kera 0-0 ye, si ma se si la. Nka Mali tun ye kelen soro Alizeri jamana kan, o jatera fila ye, ka se di Bon walaw ma.

O ye Bon walaw selen ye nyogondan laban ma, nanasugandi !

\*  
\* \*

A mana tige a da o da la sa, u sen be ye dinye ntolatankulu walaw ka nyogonben na Makan jamana kan, bawo Farafinna gana fila de ka kan ka taga yen.

Taare ka kan ka fo Bon walaw ye, bawo Mali ntolatankulu fama na nin nyogon ma.

\*  
\* \*

Min ye Farafinna dankelen sugandili ye, o be Mali Bon walaw ni Nizeriya denmisenniw ce, o minnu fana ka kulu togo ye Bon walaw binkene manw.

Bon walaw fila ninnu ka nyogonbe folo kera Bamako kalo 12n intile 18. Bon walaw binkene manw sera 2-1. U be ntola don haali, wa u ka kene fana. Mali Bon walaw ma minefere si soro u la Bamako, kun filanan dun be na taa ke u ka jamana kan san kura kalo folo tile 14. O ye mogow jigi misenna doonin.

Nka kun min y'a to olu sera an na yan, mun b'an fana bali ka se u la u bara ? O la, Bon walaw à y'aw cesiri ! Nafa be cesiri de la. A ye min ke ka ban, mogo si tun ma sigi n'o ye. Taare !



# Sewuli farikolo nyεnaje

Dinyε farikolo nyεnajeba min bε kε san naani o san naani, o 24 nan kera Sewuli n'o ye Worodugu Kore faaba ye k'a ta kalo 9n tile 17 la fɔ 10n tile 2.

Farikolo nyεnaje ganaaw ka nyogon bεn kεnε de don.



Kabini 1972, nyεnaje ninnu tun tε kε u cogoya la bilen k'a da politiki sira dωw kan. 1976 la, o kera Monreyali Kanada faaba la. Farafina farikolo nyεnajεlaw ma ye o kεnε kan. 1980 la, o kera Mosku, Irisi jamana faaba, Amerikaw ni faraje jamana dωw mogow fana ma ye kεnε kan. 1984 la, o kera Los Anzelesi, Ameriki jamana kan, Irisiw ni koronfa tubabujamanaw ma ye yen.

Min kera Sewuli nyinan, jamana bεε ye nyogon soro yen (fɔ 6), jamana minnu delila ka tōgo soro nyεnaje in na. Jamana 167 de bε jekult in na, nyinan jamana 161 yera kεnε kan, Mali sen b'la.

**Nyεnaje jujon :** Nyεnaje ninnu jujon ye Faraje jamana ye min bε wele ko Greki jamana a san 3.000 ye nyinan ye. Grekiw tun bε u ka duguba kono demisεnw bila nyogon na farikolo nyεnaje suguya 4 na : boli, shyεnta, kerunni, soboli. O kera o cogoya in na k'a ta 884 san fɔ 369 san (Yesu nyε). 1892 san

kalo 10n tile 25, Pyεri Kuberiten, o ye Faransika ye, o de da sera nyεnaje in lakurayali ma tōnsigi do sen fε Paris (Faransi faaba). 1894 san kalo 6n tile 23 don, nyogonyeba do kera Paris. O sen fε Komite Olεnpiki sigira sen kan.

Nyεnaje kurayalen kun folo kera Ateni (Greki jamana kan) 1896 san. Nyεnaje taamashyεn ye nkɔn 5 kalansolen ye, ka dinyε gun 5 jamaw ka bolo-don-nyogon-bolo misaliya :

- bulaman o ye εropu gun ta ye,
- nεremuguman o ye Azi gun ta ye,
- finman o ye Farafinna gun ta ye,
- nyugujiman o ye Oseyani gun ta ye,
- bilenman o ye Ameriki gun ta ye.

Nyεnaje sariya la, nyogon dan bε hadamaden de ni nyogon cε a tε jamanaw ni nyogon cε ; nka o t'a bali nyεnajεw kuncε tuma jaabiw ka fɔ jamana ni jamana.

**Sewuli nyεnajεw :** Nin nyεnajεw labenni kera Worodugu Kore lakodɔnni de kanma dinyε fε. Arajo ni jalaselaw ye nyεfɔli suguya bεε kε nyεnaje ninnu kan, ka yɔrɔ bεε labɔ. Musakaba de bε nin nyogonna nyεnaje labenni la. Worodugu Kore ye miliyon ba 930 de musaka :

- miliyon ba 445 donna siraba kuraw ni negesira kura ani negεjuru siraw dilanni na ;
- miliyon ba 585 donna farikolo nyεnajεlaw ni nyεmogow ani lakanitanyininaw jigin yɔrɔ dilanni na :
- \* farikolo nyεnajεla mogɔ 9.581

**- m 800 boli la :**

- \* Keniyaka cε Poli Erangi kera folo ye ;
- \* Marokuka cε Sahidi Awuta kera 3nan ye.

**- m 3000 boli la :**

- \* Keniyaka cε Ziliwusi Kariwuki kera folo ye ;
- \* Keniyaka cε Piteri Koheshi kera 2nan ye ;

**- m 5000 boli la :**

- \* Keniyaka cε Ngugi kera folo ye

**- m 10.000 boli la :**

- \* Marokuka cε Birahimi Butayebi kera folo ye,
- \* Keniyaka cε Kipikenpahi Kimeli kera 3nan ye.



**- dam 42 boli la :**


- \* Keniyaka cε Duglasi Wakihuru kera 2nan ye,
- \* Jibutika cε Amedi Sale kera 3nan ye.

- **m 400 (boli ni sagonni) la,** Senegalika cε Amadu Diya Ba kera 2nan ye.

- **bolokurun nyenajela minnu girinya te kilo 67** bo Keniyaka cε Roze Wangila kera o folo ye.

- **bolokurun nyenajela minnu girinya te kilo 72,5** bo Keniyaka cε Kirisi Sandi kera o 3nan ye.

- **bolokurun nyenajela minnu girinya te kilo 57** bo Marokuka cε Abidelaki Ahiki kera o 3nan ye.



Kulunyenajew la farafinna ma mana-mana kosebe.

- **Bololabalontan** na Santarafirikikaw ye Korekaw bugo u ka jama nye na. Eziptikaw sera fo joyoro nyimi yoro ; Tinizikaw ka balonfililaw ta kera ten ; Alizeri bololabalontannaw cemanw ani Kodiwarika bololabalontannaw musomanw fana ye u joyoro fa.

#### **Ntolatan na**

Nizeriya bora sinye 3 :

Yugoslawi-Nizeriya 3-0

ostarali-Nizeriya 1-0

Brezili-Nizeriya 4-1

#### Tinizikaw :

Tinizi-Tilebi Aliman jamana 4-1

\* nyemog 2.700

\* lakanitanyinina 10.600.

Nka wari caman be soro donni saraw ni telewizion saraw la.


Korekaw y'u janto lakanani kow la kosebe. Polisi kerenerennen cε 60.000 tun labenna kolosili ni mogow nin lakanani kanma. Soredasi cε 620.000 ani polosi gasan

120.000 tun tulomajolen be sanga ni waati be. Nyenaje ninnu kera ka ban baasi ma mogo si soro.

**Sewuli nyenajew jaabi :** Irisilakaw kera Sewuli panaw ye, i n'a fo 1976 ta la. Nyinan, Irisila kera folo ye, ka Koronna Alimanwa da o kan, Amerikikaw kera 3nan ye.

Sewuli nyenaje dankelenya dira Kristeni Oca ma, o ye Koronna aliman ye, muso don fana, a kelen ye sanu negenin 6 soro (sanu negenin be di nyekun tabaa de ma).

Amerikika muso do, n'o ye Floransi Grisisi ye, o ye sanu negenin 3 soro ka tila ka metere 200 boli segondi 21,33 kono ; muso si ma deli ka min nyogon ke.



Turkika cε do fana, kilo 60 y'a girinya ye, o y'i nyum kilo 190 nege koro k'a yanga ; a togo Nahimi Sulemanogulu ; mogo ma deli ka min nyogon ke a y'o ke fo sinye 5. Amerikika cε do, n'a togo ye Mati Bolonti, o fana ye lajali negenin 7 soro a kelen (sanu negenin 5, wari negenin 1 ani sula negenin 1). Lajali la ale nyogon ma ye.

**Farafinna joyoro Sewuli :** Mali ka sentegeninje bolilaw n'a ka bolokurun nyenajelaw tun be Sewuli. U y'u joyoro fa bawu daw sera a ganakunben yoro la.

Farafinna ye ganaya soro yoro-

janboli do la. Keniyaka ye lajali sanu negenin 5 soro.

Tinizi-Suwedi 2-2

Tinizi-Shini 0-0

#### Zanbikaw :

Zanbi-Itali (1982 nana) 4-0

Zanbi-Gwatemala 4-0

Zanbi-Iraki 2-2

Zanbikaw kera u ka kulu folo ye. Nka kulu to tolen 8 ye, Zanbikaw ni Tilebi Alimanwa ben na, olu sera u la : 4-0

Farafinna ye lajali negenin minnu soro olu file nin ye :

- sanuman 6

- wariman 3

- sulaman 5

#### Keniyakaw ta ye a la :

- sanuman 5

- wariman 2

- sulaman 2

Keniyakaw ye farikolo nyenaje mine n'u bolo fila ye. U ka farikolo nyenaje kulu caman be baaradabaw de ka bolo kan ; Keniyaka caman fana be kalan na Ameriki jamana lakolisobaw la. O bec b'a to u be faamuya ni labenko nyuman soro farikolo nyenajew la kosebe.

**Geléya minnu yera Sewuli nyenaje la :** Nyekun soro li farikolo nyenajelaw fe o b'u caman bila kebali ke la, i n'a fo ka fura ta min be do fara barika kan, walima min be farikolo sankorota. Sariya la o te ben ; o kanma nyenaje la kolosili be ke, janko ni min ye bec dan ni furanceba ye, joli ni sugune be ta k'a laje ni-furat'la.

O de la balawuba wulila Kandaka cε Ben jonsen kun kan, bawo m 100 boli la a ye bec dan ni danni ye min nyogon ma deli ka ke. A ye m 100 boli segondi 9,79 kono, nka a ka se ma tiime bawo fura no yera a joli la.

O ko sugu n'a nyogonnaw de be na ni nyenajew lafuli ye. A ka kan sariyaw ka labato a kebagaw bec fe, min b'a to tulonke in miiriya nyuman ka to a nona i n'a fo Grekiw y'a naniya cogo min.

1992 farikolo nyenaje be ke Barselonni o ye Espanyi jamana ye.



# Hasidimasa

(tige 3nan)

- Nin de ye Bwatu ye ? !... Aa ! Bwatu, i ni nyani ! i ni kunpa !

- I yere ni kungo ! Kariba, i ni ce !


U ye suruku boso k'u doni ka neso. Bwatu muso Nyani kera i ko a ka wolo, a ce kunpa fe, a kelen k'a ye. Tuma do a be to k'a fo a yere ma, ko na soro a be sogo a. ce la de. Jigiw be ko taare. Nka kabi Bwatu donna dugu da fe, wuluw be wowo a la, ko sogo kasa b'a no. A temenko tan, wuluw be wowo a la.

\* \* \*

Degün taara ka fo dan. Balo nana dese, i ko a tununa yere de. Minnu ta to tora dunko kelen ye, olu yu ja. Caman be shi kongo na. Fo a kera dow be flen kono furu shyen k'a fin ka ke basi ye. Dow be tigabulu bo k'a baron k'a tobi ka dun ; wali jirifuraw. I be maaw de ye kungo fe, ka jiriden nyini, wali jiridli bo la. O be la fen te bolo la, ko fen ka bo. Ko digi dan ye deneb ye ; tinye te...

Fen were b'a ko... Ni digi lakari te yen ka ben, merenke be ko. Mun be kasa bali ka teme kono wooro kan ?... Fo ni fen ya kalali sa de. Ko segin te Segin segin fo bo n no fe... O ye hakili jaka bo.

Fasojama hakili carinna ka laban ka moson... Dusuw kamina nk'u ma men... Nyo dun te tige ni ma sengen k'a dan o. Wa terenterenni laban ye se ye de ! Shu maa ko cogo o cogo, foyit'a bali dugu kaje, sabu, tile in te to xulibali ye. Mogow kera, olu yu taasi, k'u taasi, ka segin k'u taasi. U yu nye suuli ka dugumana mafie, k'u nye jan ka sankolo yaala, ka dinye seleke naani be lasaa ; ka laban k'u yere dusu n'u miirina kono na laje. U ye kene-mafen yeelen be ja y'a kono. U ko hate ! Ko jaa, dusuntan kaaribali de fyennen don !... Jaa dušu ni taasi de ye yeelen ye, yeelen te min bo ! Ceyya ye sarati ye, sarati gelan. Ce be te ce ye, wa muso be te muso ye !...



Jaa, Bwatu ma sa. Surukuw y'a gorokoso min ke, a bolila ka yelen sunsun do kan. Surukuw y'u d'a da fe ka dese kolokoto. A tora ka balo sunsun denw na. Kongo kelen ka namaw lataa, a jiginna ka farawo do soro k'o laben k'i da yen. Waraw be to k'a kasa mine ka tu d'a da la. N'a somina k'u taara, a be bo ka taa jiriden nyini ani jiridiwi. A mana se ka sogo misen min faa, o don. A ni ko tun man jan. A ye bogo pasa neoni ka ke daa mankanw ye, jita kama. A tora ten wo in kono, a koronnen ; fo Kariba yaalato taara bo suruku do kan, o b'a da la. A ye mugu ci o la, ka marafa soni, ka kise bo a nun fe. Bwatu y'i to wo kono ka nin be men. A bora ka na dingi da la ; a ni Kariba ka soro ka nyogon ye. Kariba da yelen tora, i ko marafa ka tila a la. Maa min sa ko fora nin y'a kalo kelen ye, o ka n'i jo ale ma. Ayi, o na ke fenmayelema ye, kelen, a be sogola.

Bwatu y'i kan to a ma :

- Kariba, ne don ; n ma sa koyi! Kana tanbaki... Farawo in de kera n ka so ye. Nk'e de ye n kisi bi. I ni ce n teri ! N ma tige i la.

U girinna ka nywan poron ; ji cir'u nye kan.

(A to be ko)  
**Mamadu Dukure**  
**(Bènbakan Dungew)**